

FERIT LAMAJ

ZEMËRQESHUR

BIBLIOTEKA
SHTETIT

8 SH-1
L20



Poezi satirike

85H-1

L 20

FERIT
LAMAJ

ZEMËRQESHUR

poezi
satirike

~~13179~~
13179

SHTËPIA BOTUESE
«NAIM FRASHËRI»

ZEMËRQESHUR

Sot, në festën e Çlirimit,
kur dhe plaku bëhet djalë
i drejtohem xha Selimit
dhe me të këmbej dy fjalë:

— Shqipëria është veshur
në flamurë e në dritë...
Më përgjigjet zemërqeshur:
— Si lum ne për këto ditë!

— Edhe kohën e merhumit
ke jetuar, xha Selim,
ndaj në festën e Çlirimit
ca kujtime... — Nipi im!...

Xha Selimi llullën nxjerr
dhe ashtu i urtë, i qetë
nis e fjala fjalën merr,
unë veshët, fësht, përpetë.

— ...Qysh pa gdhirë të vinte beu
e të thoshte: Ej, fshatar!
Erdha unë, s'më sheh, pa ngrehu,
më jep borxhin që ke marrë.

Dhe pas tij, me vrap të tjerë,
taksidari e xhandari...

— Po, ç'të mbetej? — Si përherë
ty të mbetej... strumbullari.

— Po kur dergjeshe sëmurë?
...Për t'u shtruar në spital
sa para jepje për kurë?
— Asnjë dyshkë, more djalë.

— Si kështu, o xha Selim,
nuk shpenzoje asnjë lek?!
— Nuk shpenzoja, more trim:
...s'kish spitale e as kish mjek.

— Dhe të drejta kishit vallë?
— Kishim një sa për njëzet...
— Po ç'qe kjo? — Sa të qemë gjallë
të mos kishim një të drejtë.



Por të keqen na e mori
kohë e skamjes dhe urisë
se një ditë erdhi Nëntori,
erdh' Nëntori i Lirisë.

METJA KA ZEMËR BUJARE

Brigadieri ynë Mete
nuk e ka shokun gjetiu,
t'i qan hallet si për vete,
është' i mirë, shpirt njeriu.

Ke probleme familjare...
Mos prish gjakun, byrazer;
Metja ka zemër bujare,
do t't'i zgjidhë menjëherë.

Metja është deli burrë,
ia, dhe Sulës ia zgjidh hallin
pasi ditën e mërkurë
një komshi fejoka djalin!



Një sebep ka dhe Fuati:
nesër mbrëma i vijnë miq
nga qyteti e nga fshati, —
i ka pjellë lopa viç.

Por dhe Ceni ka një hall
se në drekën e së shtunës
kushëriri i tij i shtatë
na i vënka emrin çupës.

Halle paskan dhe të tjerë
Sala, Sela edhe Nisi,
shoku Mete zemërgjerë
dhjetë leje i qëndisi.

I qëndisi bukuri
dhjetë leje urgjentisht
edhe pse në...logari
dita ecën normalisht...

GABIMISHT

Hekurani mbrëmë vonë
vu ca hekur përmbi shpinë...
Gabimisht e vu, me ç'thonë,
pse ta prishim terezinë!

Teli sonte më të gdhirë
gabimisht ca tel na merr,
ti ç'më thua, ta shkund mirë?!
...T'ia falim këtë herë.

Xhepi nesër nja dy gozhdë
mund të na i fusë në xhep,
një nga ju pastaj do thotë:
As vërejtje s'po i jep?

Jo se jam ca zemërgjerë,
por në punë, miku im,
bëjm' gabime që të tërë
apo kam ndopak gabim?



— Edhe unë të jap hak
për çka thua, mik vëllai,
ti, gabim nuk ke aspak:
...S'ke gabim sepse ke... faj.